



Fidoyilik —  
Vatanga xizmat demak!

2023-yil 16-noyabr, payshanba,  
136 (23.855)-son

**KUN  
HIKMATI**

Xudbinlik  
millatni  
tanazzulga  
boshlaydi

1913-yil aprel oyidan chiqa boshlagan



[www.zarnews.uz](http://www.zarnews.uz) <https://www.facebook.com/zarnews.uz> [@zarnews\\_uz](https://twitter.com/zarnews_uz) [https://twitter.com/zarnews\\_uz](https://twitter.com/zarnews_uz)

# XALQ BILAN MULOQOT

## MANZILLI VA SAMARALI BO'LISHI ZARUR

**Viloyat hokimi E.Turdimov ishtirokida Kattaqo'rg'on shahrida tuman va shahar birinchi sektor rahbarlari va kotiblari uchun seminar o'tkazildi. Tadbirda Kattaqo'rg'on shahar birinchi sektori misolida amalga oshirilgan ishlar tahlil etildi.**

Sektorga qarashli 10 ta mahallada 32,3 ming aholi istiqomat qiladi. Hududda 6356 xonadon, 7505 oila mavjud. Shuningdek, 6 ta umumta'lim maktabi, 17 ta maktabgacha ta'lim va 3 ta sog'liqni saqlash muassasasi, 1 ta kutubxona, 1 ta istirohat bog'i, 16 ta dorixona, 1 ta masjid, 2 ta qabriston, 2 ta bozor va savdo kompleksi, 1 ta bank muassasasi hamda 49 ta ko'p qavatli uy mavjud.

Seminar ishtirokchilari dastavval shu kabi statistik ma'lumotlar bilan tanishtirilib, 1-sektor shtabi a'zolarining ishlash tizimini kuzatdi. Viloyat hokimi ta'kidlaganidek, bugun barcha darajadagi rahbar xodimlar, xususan, sektor mas'ullarining aholi muammolarini o'rganish va ularni bartaraf etishda boshqaruv qarorlarini qabul qilish, ish vaqtini samarali taqsimlash, mavjud resurslardan unumli foydalanish kabi ko'nikmalarga ega bo'lishi hal qiluvchi ahamiyatga ega. Hokimlik, prokuratura, ichki ishlar va soliq xizmati organlari rahbarlari boshchilik qilayotgan sektorlar o'z hududlarida ijtimoiy-iqtisodiy sohada barcha muammolarni hal etish bilan bir qatorda, huquqbuzarliklar profilaktikasi, qonuniyligni mustahkamlash va huquq-tartibotni ta'minlash bo'yicha zarur chora-tadbirlarni amalga oshirmoqda.

Misol uchun, Kattaqo'rg'on shahrini ijtimoiy-iqtisodiy rivojlantirish maqsadida o'tgan uch yilda respublika budjeti hisobidan 1 trilion so'm mablag' ajratilib, keng ko'lamli bunyodkorlik, obodonlashtirish ishlari amalga oshirilgan. Jumladan, aholini va yosh oilalarni uy-joy bilan ta'minlash maqsadida 496 xonadonli 5 ta ko'p qavatli uy barpo etilib, foydalanishga topshirilgan. Shuningdek, 120 kilometrdan ortiq ichki yo'llar ta'mirlanib, asfalt va beton qoplamasi yotqizilgan. 20 dan ortiq mahalla binosi yangidan barpo etilgan. 25 ta maktabgacha ta'lim tashkiloti mukammal ta'mirlanib, rekonstruksiya qilingan.

Shahar tibbiyot birlashmasida skrining, gemodializ, laporaskopik, multi spiral kompyuter tomograf apparatlar keltirilgani, qolaversa, Navbahor mahallasida mahalliy budjet hisobidan 4 milliard 300 million so'm ajratilib, zamonaviy texnologiya

yalar bilan jihozlangan 1-oilaviy poliklinikaning tashkil etilgani aholi uchun katta qulaylik yaratdi. Mazkur poliklinika bugun shaharning 40 mingdan ortiq aholisiga xizmat ko'rsatib kelmoqda.

Amir Temur va Zarifobod ko'chalarini bog'lovchi yangi ko'priq qurilib, Ikkinchi jahon urushi yillarida insoniylikning yuksak namunasini ko'rsatib, 13 nafar bolani o'z bag'riga olgan kattaqo'rg'onlik Hamid Samatov jasoratini aks ettirgan monument barpo etildi.

Ingichka shaharchasidagi maktab va bog'chalarda yaratilgan sharoitlar, ichimlik suvi, elektr ta'minotidagi ijobiy o'zgarishlar va yangilangan yo'llar aholida bugungi islohotlarga ishonch uyg'otmoqda.

Seminar davomida shtablar ishini tashkil etish, a'zolari faoliyatini nazorat qilish, aholi va ijtimoiy obyektlar muammolarini o'rganish, ehtiyojmand oilalar bilan ishlash hamda murojaatlarni ko'rib chiqish bilan bog'liq masalalar yuzasidan fikr almashildi. Shuningdek, olib borilayotgan manzilli ishlar tizimli tartibda belgilab olinishi, ishsizlar bandligini ta'minlashda e'tibor qaratish lozim bo'lgan jihatlar xususida so'z yuritildi.

Aksar muammolarning yechimi bo'lgan bandlik masalasida Kattaqo'rg'on shahrida olib borilayotgan ishlar ko'rib chiqildi. Joriy yilda Ingichka shaharchasida Olmaliq kon-metallurgiya kombinatining "Ingichka" volfram koni texnogen chiqindilarini qayta ishlash loyihasi doirasida fabrika ishga tushirilishi natijasida 80 ta ish o'rni yaratilgan. Ikkinchi bosqichda bu raqam yana 200 taga ortadi.

Umuman, Kattaqo'rg'on shahrida istiqomat qilayotgan 94 mingdan ortiq aholining 51 mingdan ortig'i mehnat resurslari hisoblanadi. Ular bandligini ta'minlash va yangi ish o'rinlari tashkil etish maqsadida 175 ta investitsion, 192 ta qishloq xo'jaligi hamda 5473 ta xizmat ko'rsatish va tadbirkorlikni rivojlantirish yo'nalishidagi loyihalarni yo'lga qo'yish choralari ko'rilmoqda.

**Azizbek IBRAGIMOV, Davlat xizmatini rivojlantirish agentligi viloyat filiali boshlig'i o'rinbosari.**

**Samarqand shahrida O'zbekiston-Turkiya ikkinchi ta'lim forumi bo'lib o'tdi. Unda O'zbekiston Respublikasi Prezidenti Administrasiyasining Ijtimoiy rivojlanish departamenti rahbari, Oliy ta'lim kengashi raisi Odil Abdurahmonov, Turkiya Oliy ta'lim kengashi raisi Erol O'zvar va Turkiyaning O'zbekistondagi elchisi Olgan Bekar ishtirok etdi.**

O'zbekiston-Turkiya ikkinchi ta'lim forumi mamlakatlarimiz va turk davlatlari o'rtasidagi madaniy aloqalarni yanada mustahkamlashga xizmat qiladi, deb umid qilaman, - dedi Erol O'zvar. - O'tgan yili Turkiya-O'zbekiston oliy ta'lim muassasalari forumining birinчисini Izmirda o'tkazgan edik. Bu yil forumning ikkinچisi umur sivilizatsiyamizning qadimiy shahri Samarqandda tashkil etildi. Turkiya va O'zbekiston universitetlari ishtirokida o'tkazilayotgan mazkur oliy ta'lim forumi mustahkam tarixiy rishtalarga ega ikki qardosh mamlakat oliy ta'lim muassasalari, ilmiy xodimlari va xalqlari uchun nihoyatda muhim, deb o'ylayman.

2001-yildan beri oliy ta'limda Boloniya jarayoniga a'zo bo'lgan Turkiya ro'yxatdan o'tgan talabalar soni bo'yicha Yevropa oliy ta'lim muassasalari ichida birinchi o'rin egallaydi, talabalar soni 7 milliondan oshadi. UNESCO ma'lumotlariga ko'ra, Turkiya dunyodagi eng ko'p xalqaro talabalar bo'lgan o'nta davlat qatoriga kiradi. Bugungi kunda oliy ta'lim muassasalarida 194 mamlakatdan 340 mingdan ortiq xorij-

# O'ZBEKISTON-TURKIYA IKKINCHI TA'LIM FORUMI BO'LIB O'TDI



lik talaba tahsil olmoqda.

Forumda Turkiya oliy ta'lim kengashi rahbariyati, Turkiyaning 40 dan ortiq nufuzli oliygohlari rektor va prorektorlari hamda yurtimizdagi 50 dan ortiq oliy ta'lim muassasalari rahbarlari ishtirok etdi.

Forumning shu'ba yig'ilishlari doirasida ikki davlatning oliy ta'lim muassasalari rektorlari ishtirokida hamkorlik masalalari muhokama qilindi.

Muzokaralar yakunida ikki davlat univer-

sitetlari o'rtasida o'quv va ilmiy sohalarida hamkorlikni kuchaytirish, oliy malakali pedagog-kadrlar tayyorlash, professor-o'qituvchilar, magistrlar hamda talabalar almashinuvi, pedagoglarni qisqa muddatli stajirovkalarga yuborish, malaka oshirish, hammualliflikda ilmiy loyihalarni amalga oshirish, muhandislik va texnika sohalarida o'zaro hamkorlik aloqalarini kengaytirish borasida 70 ga yaqin kelishuv imzolandi.

**Xurshida ERNAZAROVA.**

# Samarqand yo'llarida boshqaruv avtomatlashadi

**Yo'llarda tirbandliklar ko'p, avtohalokatlar kamaymayapti. Achinarlisi, bu holat insonlar o'limiga sabab bo'lyapti. Ommatan bunga ichki ishlar idoralarining yo'l harakati xavfsizligi xodimlarini ham aybdor sanaymiz.**

Ular tomonidan yetarlicha ish qilinmayapti, degan e'tirozlar kuzatiladi. Haqiqatda shundaymi, buni bilishga harakat qildik. Va shu maqsadda viloyat IIB yo'l harakati xavfsizligi boshqarmasi boshlig'i Shavkat Boyxo'rozovdan bir nechta savollarimizga javob oldik.

**- Davlat rahbari 2022-yil fevral oyida bir oy muddatda viloyat markazlarida yo'l harakatini boshqarish va xavfsizligini ta'minlash bo'yicha yangi konsepsiyalar ishlab chiqish topshirig'ini bergandi. Bu borada viloyatimizda qanday ishlar amalga oshirildi?**

- Topshiriq asosida Samarqand shahrida harakat xavfsizligini ta'minlash, yo'l harakatini tashkil qilishga o'z hissasini qo'shish maqsadida investor



tomonidan texnik vositalarni (interaktiv yo'l belgilari va ko'rsatkichlari, yo'l chiziqlari, elektron tablolar, svetofor qurilmalari va boshqalar) o'rnatish bo'yicha taklif kiritildi.

Hududni atroficha o'rganish maqsadida joriy yilning may-iyun oylarida "Atlas International" kompaniyasi mutaxassislari Samarqand shahriga keldi.

O'rganish natijalariga ko'ra, 3881 ta yangi yo'l belgilari va ko'rsatkichlarini o'rnatish, 50 kilometr uzunlikdagi yo'llarda yotiq yo'l chiziqlarini chizish, 54 ta chorrahadagi 504 ta transport va 318 ta piyodalar svetofor qurilmalarini yangilash, shuningdek, yagona boshqaruv tizimiga integratsiya qilish uchun svetofor obyektlariga shisha tolali kabellarni tortish bo'yicha kelishuvga erishildi. Samarqand shahrida 16 ta ko'chani umumiy uzunligi 56,8 kilometr yo'llari va 54 ta chorrahani masofadan boshqariladigan yagona tizimga ulash, 3881 ta intensiv nur qaytaruvchi yangi yo'l belgilari o'rnatish, 54 ta svetofor simlarini yer ostidan o'tkazish ishlari amalga oshirildi.

**(Davomi 2-sahifada) >>>**



**Suyun KARIMOV, SamDU professori:**

- Yangiliklarni internet tarmog'i orqali o'qish mumkin. Lekin mulohazali maqolalarni gazetadan topasiz. "Zarafshon" gazetasida chop etilayotgan turkum maqolalar aholi, xususan, yoshlar ma'naviyatini yuksaltirishga xizmat qiladi. Bu haqda talabalarimga ham ko'p aytaman. Ushbu gazetaga 2024-yil uchun obuna bo'ldim. Sizga ham tavsiya qilaman!

**B.MUSTANOV.**

**Kattaqo'rg'on shahrida ishsiz va band bo'lmagan fuqarolarga kasb-hunar, tadbirkorlik ko'nikmalari va xorijiy tillarni o'rgatishga mo'ljallangan "Ishga marhamat" monomarkazi ochildi.**

Markaz ochilishiga bag'ishlangan tadbirda Kambag'allikni qisqartirish va bandlik vaziri maslahatchisi Bahodir Umrzoqov, viloyat hokimi Erkinjon Turdimov so'zga chiqib, bunday maskanlar aholining ishsiz qatlamini bandligini ta'minlashga xizmat qilishini ta'kidladi.

Monomarkaz qurilishi va jihozlanishi uchun 6 milliard so'mdan ortiq mablag' sarflangan. Bu yerda Kattaqo'rg'on shahri, Paxtachi, Narpay, Kattaqo'rg'on, Nurobod tumanlarining ishsiz fuqarolari kasb-hunarga o'qitiladi. Markazda yiliga 2000 nafar fuqaro

# O'qishga va ishga marhamat!



kasblarning murakkablik darajasi asosida ishlab chiqiladigan o'quv dasturlariga muvofiq 2 oydan 6 oygacha o'qib, kasb-hunar o'rganadi. Bitiruvchilar egallagan bilimlari

uchun mehnat faoliyatini amalga oshirish huquqini beradigan hamda o'rta maxsus, kasb-hunar ta'limi diplomi darajasiga tenglashtirilgan sertifikat oladi.





